

Bosna i Hercegovina
Federacija Bosne i Hercegovine
Udruženje sudija/sudaca u
Federaciji Bosne i Hercegovine

Sarajevo, Valtera Perića 15
Tel/fax 033-668-035
e-mail usfbih@bih.net.ba
www.usfbih.ba

Broj: 01/21
Sarajevo, 04.01.2021. godine

IZVJEŠTAJ O RADU ZA 2020 . GODINU

Polazeći od programskih ciljeva Udruženja sudija/sudaca u Federaciji Bosne i Hercegovine, a u skladu sa članom 25. Statuta Udruženja, ovaj izvještaj ima cilj da Vas upozna sa aktivnostima Udruženja u 2020. godini.

U 2020. godine je došlo do smanjenja aktivnosti udruženja zbog pandemije COVID-19. Većina aktivnosti je prešla na online format putem aplikacija za konferencijske sastanke (Zoom i Webex).

I SJEDNICE PREDsjedništva

U izvještajnom periodu održano je tri (3) sjednice Predsjedništva, i to:

27.01.2020. (Sarajevo) sa slijedećim dnevnim redom:

1. Usvajanje zapisnika sa sjednice predsjedništva USFBiH 02.12.2019. godine
2. Usvajanje finalnog Program rada Udruženja za 2020. godinu
3. Dopis članice predsjedništva g-đe Slavice Čindrak, aktivnosti povodom pokretanja procesa reforme Udruženja.
4. Rasprava povodom PRIBOV-og izvještaja „ Izvještaj stručnjaka o pitanjima vladavine prava u Bosni i Hercegovini“ od 05.12.2019.
5. Priručnik CEELI institut - načinu reagiranja u slučajevima medijskih istupa naših članova i zaštite istih u slučajevima ugrožavanja njihovih prava, Organizacija Konferencije o sigurnosti pravosuđa.
6. Dopis ogranka ZDK (Iniciranje izmjena zakona o plaćama i naknadama – naknade tokom bolovanja)
7. Izvještaj o radu članice predsjedništva g-đe Slavice Čindrak sa Okruglog stola i javnog dijaloga „Uloga udruženja sudija i tužilaca u reformi pravosuđa“.
8. Prijedlog za imenovanje počasnih članova USFBiH – prijedlog članice predsjedništva g-đe Božana Banduka.
9. Razno:

21.02.2020. (Sarajevo) sa slijedećim dnevnim redom:

1. Usvajanje prijedloga zapisnika sa sjednice USFBIH 27.01.2020. godine
2. Rasprava i primjedbe na prijedlog Pravilnika o podnošenju, provjeri i obradi finansijskih izvještaja sudija i tužilaca u Bosni i Hercegovini. Primjedbe zaprimljene od Ogranka Tuzlanskog Kantona - Kantonalnog suda u Tuzli.
3. Inicijativa ogranka KS predsjedništvu Udruženja da od VSTV-a BiH zatraži podatke o broju nepopunjenih pozicija za posljednje tri godine u svim sudovima u F BiH, a radi ubrzanja imenovanja nosilaca pravosudnih funkcija.
4. Raspravljanje i zauzimanje stava povodom izjave predsjednika VSTV-a BiH data medijima 13.02.2020. godine. (izjavan dostupna na internetu)
5. Razno:

28.09.2020. (Sarajevo) sa slijedećim dnevnim redom:

1. Usvajanje prijedloga zapisnika sa sjednice USFBIH 21.02.2020. godine
2. Izmjene i dopune Zakona o VSTV BiH, dopis članice radne grupe za izmjenu zakona o VSTV-u g-đe Slavice Čindrak.
3. Uloga USFBIH u kriznim vremenima pa tako i u vrijeme pandemije COVID 19
4. Nacrt sporazuma o međusobnoj suradnji strukovnih udruženja sudija i tužilaca u Federaciji BiH.
5. Analiza podataka dobijenih povodom upita od strane sudova u FBIH o broju nepopunjenih pozicija (sistematizacije) nositelja prvosudnih funkcija u sudovima u F BiH.
6. Dopis ogranka Kantona X dopis povodom Statusa stručnih suradnika i rezervnih sudaca
7. Razno:- Zahtjev za jednokratnu humanitarnu pomoć sudija Zineta Polić (Ogranak Zeničko-dobojskog kantona) i sudija Stjepan Mikulić (Ogranak Zapadno-hercegovačkog kantona)

II SKUPŠTINA UDRUŽENJA

Predsjedništvo Udruženja donijelo je Odluku da se ne saziva redovna skupština USFBIH radi pandemije COVID-19

III KOORDINACIONE AKTIVNOSTI

U okviru ovih aktivnosti, treba istaći da je Predsjedništvo Udruženja odnosno Predsjednik udruženja vodio intenzivne aktivnosti u koordinaciji sa Ograncima i drugim strukovnim udruženjima.

Nadalje:

- Webinar o temi mediji i pravosudne, odnosno primjeni člana 10.Evropske konvencije o zaštiti ljudskih prava. Konferenciju organiziraju BH novinari u saradnji sa Uredom Vijeća Evrope u BiH, u okviru regionalnog projekta Jufrex, i to 07. juni 2020. godine.

- Webinar Misije OSCE u BiH pod temom: Organizacija rada pravosudnih organa u toku pandemije COVID-19
- Sastanak fondacije Centar za Javno pravo sa strukovnim udruženjima – drugi sastanak inicijativa za uspostavljanje sporazuma – memoranduma o međusobnoj saradnji strukovnih udruženja u BiH. 09 .septembar. 2022 Sarajevo
- Dana 12.10.2020 godine u Sarajevu je potpisan Memorandum o saradnji strukovnih udruženja sudija i tužilaca u BiH. Memorandum su potpisali Udruženje tužilaca FBiH, Udruženje sudija FBiH, Udruženje sudija u BiH i Udruženje žena sudija u BiH. Potpisivanjem ovog memoranduma je posredovao i pomogao Centar za javno pravo uz potporu EU projekta za jačanje pravosuđa u BiH.
Potpisivanjem memoranduma je formirano Zajedničko koordinaciono tijelo udruženja sudija i tužilaca u BiH (ZKT)
Potpisivanju memoranduma su učestvovali sva strukovna udruženja sudija i tužilaca na teritoriji BiH te su i ostala strukovna udruženja pozvana da potpišu navedeni sporazum.

IV ORGANIZACIJA SAVJETOVANJA IZ OBLASTI KRIVIČNOG PRAVA

Udruženje je organizator tradicionalnog savjetovanja iz oblasti krivičnog prava. Prvobitni plan je bio da se savjetovanje održi u svom tradicionalnom terminu u početkom mjeseca juna 2020. godine. Od aktivnosti organizacioni odbor je početkom mjeseca februara održao prvi sastanak organizacionog odbora na kojem je odrađen datum savjetovanja. Drugi sastanak je održan 03.03.2020. godine te je na tom sastanku, pošto je već u dosta zemalja EU i susjednih zemalja proglašena pandemija COVID-19, članovi organizacionog odbora su donijeli odluku da se savjetovanje prolongira za septembar 2020 godine. Par dana nakon sastanka i u BiH je proglašena pandemija COVID-19. Održan je još jedan sastanak organizacionog odbora 16.07.2020 godine u Banja Luci gdje je donesena konačna odluka da se Krivično savjetovanje Neum 2020 ne održi u 2020. godine zbog pandemije COVID-19

V SUORGANIZACIJA SAVJETOVANJA IZ PREKRŠAJNE OBLASTI I GRAĐANSKE OBLASTI

Građansko i prekršajno savjetovanje u 2020 godini a u kojima je Udruženje sudija Federacije BiH suorganizator nisu održana zbog pandemije COVID-19

Predsjednik Udruženja sudija/sudaca u FBiH
Hakija Zajmović s.r.